

Inatsisissatut siunnersuummut nassuiaatit

Oqaaseqaatit nalinginnaasut

1. Aallaqqaasiut

Sumiiffinni nunami aalajangersimasuni takornariatitsinermit akuersissuteqartarnissaq pillugu Inatsisartut inatsisaat nr. 19, 3. december 2012-imeersoq 1. januar 2013-imi atuutilerpoq. Inatsisip siunertaa tassaavoq Kalaallit Nunaanni takornariatitsinermit inuussutissarsiornerup ineriartortinneqarneranut tapersersuinissaq, aammalu inuiaqatigiinni ineriartormik pilersitsinissaq kalaallit takornariatitsinermit tunisassiaannik tuniniaanerup siuarsarneratigut.

Inatsisartut inatsisaat sukisaarsaatigalugu aalisartunik aalisartitsinermit akuersissutinik nalunaaruteqartarnermit atuutinngilaq, Sukisaarsaatigalugu aalisartunik aalisartitsinermit akuersissuteqartarnek pillugu Inatsisartut inatsisaat nr. 20, 22. november 2011-meersoq immikkut piummat.

Naleqqutinngilaq marlunnik inatsiseqarnek, takornariatitsinermit akuersissuteqartarnermit aqutsinermit. Tamanna immikkut allaffissornermit pilersitsivoq, sulianik isumaginninneq naalakkersuisoqarfinni assigiinngitsuni marlunni inissisimammat.

Malittarisassiat ilassutaasut qinnuteqartut paasiniagassaannik atortussanik annertunermit nassataqartitsillutillu qinnuteqarnermit malitassat assigiinngitsut pilersippaat. Tamatumalu saniatigut sukisaarsaatigalugu aalisartunik aalisartitsinermit akuersissummik, aammalu takornariatitsinermit tunisassiamut allamut akuersissummik piginnittoq oqartussaasunut assigiinngitsunut marlunnut attaveqarnissaa aamma tulluurtuunngilaq. Aqqummik ataatsimik tunngaveqarnissaq akuersissummik piginnittumut tulluurtuuvoq, taamaalilluni takornariatitsinermit inuussutissarsiorfimmumut akuersissuteqartarnerit iluini sulianik isumaginnittuusutut Namminersorlutik Oqartussani taamaallaat naalakkersuisoqarfik ataaseq akisussaasuussalluni.

Inuussutissarsiutip tunngaviummik sinaakkutaanut ineriartornissamullu periarfissaanut ajoqutaassaaq, takornariatitsinermit aqqissuussineq sukisaarsaatigalugu aalisartitsisarnermit takornariatitsinermillu allamik katitsigaappat, taakkununga akuersissutini marluusuni akuersissutit sivilissusissaat ataqatigiinngippata.

Sukisaarsaatigalugu aalisartunik aalisartitsinermit akuersissuteqartarnek pillugu Inatsisartut inatsisaata atuukkunnaarsinnera, taamalu inatsisinik katiterisoqarnera neqeroortitsinermit

atortussiornermut, qinnuteqarnermi periaatsimut, qinnuteqaatit nalilersornerinut akuersissummik piginnittussamik toqqaasarnermut tunngatillugu assigiiaartumik ingerlatsineramik pilersitsissaaq, kiisalu suliassaqarfimmi sulianik isumaginninnermik aqutsinermillu nalinginnaasumik pitsanngorsaassalluni. Tamanna kommunitut aamma takornariatitsineramik inuussutissarsiortunut iluaqutaassaaq.

Neqeroortitsinermit atortussanik suliaqarnermi aamma akuersissummik piginnittussamik toqqaanermut atatillugu Naalackersuisoqarfiit susassaqtut tusarniaavigineqarlutillu akulerunneqartassapput, minnerunngitsumik sukisaarsaatigalugu aalisartunik aalisartitsinermit akuersissuteqarnissamut atatillugu Aalisarnermut, Piniarnermut Nunalerinermullu Naalackersuisoqarfik immikkut akulerunneqartassaaq.

Takornariatitsinermit immikkoortoqarfimmi pilersaarut aqqutigalugu takornariatitsinermit akuersissuteqarnernut sumiiffiit toqqartukkat atugassiisutiginetarnissaannik Naalackersuisut aalajangersaasinnaaneranunut inatsisaasuni pisinnaatitsissummik ilanngussisoqassasoq siunnersuutigineqarpoq.

Nunami namminermit takornariatitsinermik periusissiap atuutsilernissaa qulakkeerniarlugu takornariatitsinermit akuersissuteqarnermut sumiiffinnik pingaarutilinnik atugassiinissaaq pisariaqarpoq. Suliaq tamanna najugaqarfimmi pilersaarusiortnermut oqartussaasut aamma Visit Greenland qanimut suleqatigalugit pissaaq.

Sumiiffimmut kisermaassisinnaanerup inuussutissarsiortuup iluani namminersuutigalugu aningaasaleerusussuseq pisariaqartoq siuarsaavigeqataaffigissavaa, Kalaallit Nunaanni aningaasaqarnikkut ineriartornermut sinaakkutissatut atugassatsialannik pilersitsilluni takornariatitsinermik inuussutissarsiortnermi suliffiit aamma malitsigisatut inuussutissarsiutit aqqutigalugit siunissami aalajangiisutut takornariatitsinerup inuussutissarsiutinngornissaa tamatuma isumannaareqataaffigissavaa.

2. Siunnersuutip immikkoortui pingaarnertit

Siunnersuut aallaaveqarpoq takornariatitsinermit ingerlatsisuunissamut akuersissummik qinnuteqarnerup pisariinnerulernissaanik kissaateqarnermik.

Siunnersuutip matuma Sukisaarsaatigalugu aalisartunik aalisartitsinermit akuersissuteqartar-neq pillugu Inatsisartut inatsisaat nr. 20, 22. november 2011-meersoq atorunnaarsippaa, taamaalilluni takornariatitsinermik suliaqarfimmi taamaallaat akuersissuteqartarnermut ataasiinnarmik inatsiseqalersillugu. Taamaattumik sukisaarsaatigalugu eqalunniarnissamut (Salvelinus alpinus) akuersissuteqartoqarnissaanut qinnuteqaat Kalaallit Nunaanni takornariatitsinermit tungasumik qinnuteqaatit allatulli suliarineqartalissapput, takuuk Inatsisartut inatsisaat nr. 19, 3. december 2012-imeersoq nunap immikkoortuini aalajangersimasuni takornariatitsiviusinnaasutut akuersissutigineqarsimasuni sumiiffinni aalajangersimasuni takornariatitsinermit akuersissuteqartarnissaaq pillugu Inatsisartut

inatsisaat nr. 19, 3. december 2012-imeersoq naapertorlugu qinnuteqaatitulli allatut qinnuteqaatit suliarineqartalissapput.

Tamatuma malittarisassiornerup malittarisassat pisariillisassavai, takornariatitsinermillu suliaqartunut namminersortunut annertunerusumik paasinarsaassalluni. Aamma eqalunniarluni (*Salvelinus alpinus*) sukisaarsaatigalugu aalisartunik aalisartitsisarnermut, kiisalu takornariatitsinermik tunisassianut allanut akuersissuteqartarnermi najoqqutassiat ataqatigiissut pilersinneqassallutik.

Siunnersuummi Sukisaarsaatigalugu aalisartunik aalisartitsinermut akuersissuteqartarneq pillugu Inatsisartut inatsisaanni nr. 20, 22. november 2011-meersumit § 1, imm. 1 pilersinneqarpoq. Aalajangersagaq pisinnaatitsivoq eqalunniarluni (*Salvelinus alpinus*) sukisaarsaatigalugu aalisartunik aalisartitsinermut akuersissummik taamaallaat tunniussisoqarsinnaaneranut.

Kuummi aalajangersimasumi aalisartitsiviusinnaasutullu immikkut akuersissuteqarfiusimasumi aalisartitsinermik aaqqissuussisuusup kisermaassilluni neqerooruteqarsinnaaneraticut pinngitsoorneqassaaq summiffiup pineqartup allanit akiliisitsilluni aalisartitsivigineqarsinnaannginnera. Taamaalilluni sukisaarsaatigalugu aalisartartunik aalisartitsineq immikkuullarissuulissaaq, misigisassanillu ataatsimoortunik pilersitsissalluni. Inuit akuersissuteqarfiusumik ingerlatsinermi peqataasut suli malittarisassiat atuuttut najoqqutarisussaavaat, ilanngullugu aalisarnermut allagartamik atuuttumik il.il. peqarnissaq.

Aaqqissuusinerup siunertaraa inuiaqatigiit aammalu akuersissummik piginnittut ataasiakkaat aningaasaqarnikkut iluanaaruteqarnissaat. Akuersissummik piginnittoq, akuersissummik pissarsiaqareernermi kingorna kuummi aalisarnissamut pisinnaatitaaffiit tuniniarnissaannut akigititassaminik aalajangiisinnaassaaq, tassangaanniillu iluanaarutigisat, akitsuutit akileraarutillu ilanngaaticugalugit tassunga tussapput.

Eqaluk (*Salvelinus alpinus*) tassaanngilaq aalisagaq iluanaarniutaasoq, tamakkuninngalu aalisarsinnaatitaaneq inunnut Kalaallit Nunaanni najugaqavissunut killeqanngilaq, naak kuuk akuersissuteqarfiugaluartoq. Tamatumani taamaallaat inatsisaareersut malitsigisaannik killilersuutit atuupput, piffissanut eqqissisimatitsiviusunut, atortulersornermut il.il. tunngatillugu.

Siunnersuutikkut malittarisassat pisariillisarneqarput aammalu kommuninut takornariatitsinermillu suliaqartunut paasinarsaaneq qularnaarneqarluni. Taamatuttaarlu eqalunniarnermik sukisaarsaatigalugu aalisartunik aalisartitsinermut akuersissuteqarnermik, kiisalu takornariatitsinermi tunisassianut allanut akuersissuteqartarnermi ataqatigiissunik najoqqutassanik pilersitsinissamut siunnersuut periarfissiivoq.

Siunnersuut Inatsisartut inatsisaannut atuuttumut naleqqiullugu	
<p>Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-imeersoq</p>	<p>§ 1 1. Qulequtaa imatut allanneqassaaq: ” Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-imeersoq”.</p>
<p>§ 1. Takornariartitsinermik sulianut akuersissutinut, pisinnaatitsissummik pigisaqartunut, ingerlatsisartunut, takornariartitsinermik sulianut akuersissutini ilaasutut sulianut, takornarianut tunisassianut, takornarianut aamma takornarianik suliaqartitsinernut Inatsisartut inatsisaat atuuppoq.</p> <p><i>Imm. 2.</i> Inatsisartut inatsisaat sukisaarsaatigalugu aalisarnissamut akuersissutini ilaasut inatsisartut inatsisaanni ingerlatanut ilaasunut atorneqassanngilaq.</p>	<p>2. § 1, imm. 2 imatut allanneqassaaq: ” § 1. Takornariartitsinermik sulianut akuersissutinut, pisinnaatitsissummik pigisaqartunut, ingerlatsisartunut, takornariartitsinermik sulianut akuersissutini ilaasutut sulianut, takornarianut tunisassianut, takornarianut aamma takornarianik suliaqartitsinernut Inatsisartut inatsisaat atuuppoq.</p> <p><i>Imm. 2.</i> Eqalunnik (Salvelinus alpinus) qissattaammik sukisaarsaatigalugu aalisarnissaq siunertaralugu Kalaallit Nunaanni kuummut aalajangersimasumut imaluunniit imartalittut sumiiffimmut erseqqinnerusumik killilersukkamut akuersissutinik tunniussisarnermik Inatsisartut inatsisaat inatsisilersuivoq.”</p>
<p>§ 7. Sammisamut erseqqinnerusumik killilerneqarsimasumut erseqqinnerusumillu piomasaaqatinik aalajangerneqarsimasunut takornariartitsinermi nioqqutissamik arlalinnilluunniit tunniussinissamut Naalakkersuisut akuersissummik tunniussisinnaapput, tak. § 6, imm. 1 (takornariartitsinermi ingerlatamut akuersissut). Takornariartitsinermi ingerlatassamut akuersissut kisermaassiffiusussatut tunniunneqassaaq.</p>	<p>3. § 7 imatut allanneqassaaq: ” § 7. Sumiiffimmut erseqqinnerusumik killilersukkamut, aammalu erseqqinnerusutut aalajangersakkatut piomasaaqateqartumik takornariartitsinermi tunisamik ataatsimik imaluunniit arlalinnik § 6, imm. 1 malillugu pilersuuteqarnissamut akuersissummik Naalakkersuisut nalunaaruteqarsinnaapput (takornariartitsinermik suliaqarnermut akuersissut). Takornariartitsinermik suliaqarnermut akuersissut kisermaassisussaaffilerlugu</p>

	<p>nalunaarutigineqassaaq. <i>Imm. 2.</i> Imm. 1 malillugu akuersissummik tunniussaqaqarnermut piunasaqaatit pillugit Naalakkersuisut erseqqinnerusumik malittarisassianik aalajangersaasinnaapput.”</p>
<p>§ 8. §7 malillugu takornariartitsinerimi ingerlatassamut akuersissut periutsit imm. 2-3-mi taaneqartut arlaannut tunniunneqarsinnaavoq. <i>Imm. 2.</i> Akuersissummik tunineqarnissaq pillugu tamanut nalinginnaasumik qinnuteqartoqartitsineqareerpat akuersissut tunniunneqarsinnaavoq (neqerooruteqartitsineq). Qinuteqartoqaaqquilluni nalunaaruteqarneq, qinnuteqarnissamut piffissaliussaq ikinnerpaamik ullunik 45-inik sioqqutsisumik Naalakkersuisut nittartagaatigut allatulluunniit Naalakkersuisut tamanut saqqummiutissavaat. Neqeroorummi tunngaviussaaq, pilersaarusiormi oqartussaasup susassaartup, sumiiffik pineqartoq takornariartitsinerimik ingerlataqarnissamut pilersaarusiormifigisimassagaa, kiisalu ingerlatat suut akuersissummut ilaatinneqassanersut aalajangersarsimassallugit. <i>Imm.3.</i> Sumiiffimmut akuersissuteqarnissamik nalunaaruteqarneq imm. 2 malillugu siumut qinnuteqaaqquisoqarsimatinnagu tunniunneqarsimassappat, sumiifillu pineqartoq pilersaarusiormermut oqartussaasoq susassaartoq sumiiffik pineqartoq takornariartitsinerimi ingerlatanut</p>	<p>4. § 8 imatut allanneqassaaq: ” § 8. §7 malillugu takornariartitsinerimi ingerlatassamut akuersissut periutsit imm. 2-4-mi taaneqartut arlaannut tunniunneqarsinnaavoq. <i>Imm. 2.</i> Akuersissummik tunineqarnissaq pillugu tamanut nalinginnaasumik qinnuteqartoqartitsineqareerpat akuersissut tunniunneqarsinnaavoq (neqerooruteqartitsineq). Qinuteqartoqaaqquilluni nalunaaruteqarneq, qinnuteqarnissamut piffissaliussaq ikinnerpaamik ullunik 45-inik sioqqutsisumik Naalakkersuisut nittartagaatigut, kiisalu tusagassiorfitsigut Naalakkersuisut tamanut saqqummiutissavaat. Neqeroorummi tunngaviussaaq, pilersaarusiormi oqartussaasup susassaartup, sumiiffik pineqartoq takornariartitsinerimik ingerlataqarnissamut atorneqarnissaa pilersaarusiormifigisimassagaa, kiisalu ingerlatat suut akuersissummut ilaatinneqassanersut aalajangersarsimassallugit. <i>Imm. 3.</i> Naalakkersuisut immikkoortortamut pilersaarutikkut sumiiffiit takornariartitsinerimik suliaqarfinnut aalajangersaavigisinaavaat, kiisalu akuersissutip suliaqarfigisaniik sorlernik imaqarnissaa aalajangersaavigisinaallugu. <i>Imm. 4.</i> Sumiiffimmut akuersissuteqarnissamik nalunaaruteqarneq siumut qinnuteqaa-</p>

<p>pilersaarusiorsimanagu, Naalackersuisullu isumaqarpata qinnuteqaat suliarineqartariaqartoq, qinnuteqaat pilersaarusiornermi oqartussamut Naalackersuisut ingerlateqqissavaat, apeqquteqaatigissallugulu pilersaarusiornermut oqartussaasup sumiiffik qinnuteqarfigineqartoq takornariatitsinermi ingerlatanut ilanngunneqassanersoq kissaatigineraa. Pilersaarusiornermut oqartussap sumiiffik qinnuteqarfigineqartoq tamakkiisumik ilaannakortumilluunniit takornariatitsinermi ingerlataqarnermut pilersaarutiginiarlugu ilanngunniarlugulu kissaatigisimappagu, akuersissummik tunniussinissaq siunertarlugu Naalackersuisut immikkut ittumik innuttaasunut ammasumik qinnuteqaqqusisinnaapput.</p> <p><i>Imm. 4.</i> Imm. 3 malillugu qinnuteqarnermi, pilersaarusiornermut oqartussaasup apeqquteqaatip tigareernerani ullut 90-it qaangiutsinnagit Naalackersuisut apeqquteqaataat akissuteqarfigissavaa.</p> <p><i>Imm.5.</i> Qinnuteqaatit periutsit imm. 2-3-mi taaneqarsimasut malillugit qinnuteqaatit tunniunneqarsimasut tunngavigalugit Naalackersuisut akuersissummik tunniussinngitsoorsinnaapput.</p>	<p>qusisoqarsimatinnagu tunniunneqarsimassapat, sumiiffillu pineqartoq pilersaarusiornermut oqartussaasoq susassaartoq imaluunniit Naalackersuisut immikkoortortamut pilersaarummi sumiiffik pineqartoq takornariatitsinermi ingerlatanut sumiiffikkaanut pilersaarummik pilersaarusiorsimanagu, Naalackersuisullu isumaqarpata qinnuteqaat suliarineqartariaqartoq, qinnuteqaat pilersaarusiornermi oqartussamut Naalackersuisut ingerlateqqissavaat, apeqquteqaatigissallugulu pilersaarusiornermut oqartussaasup sumiiffik qinnuteqarfigineqartoq takornariatitsinermi ingerlatanut ilanngunneqassanersoq kissaatigineraa. Pilersaarusiornermut oqartussap sumiiffik qinnuteqarfigineqartoq tamakkiisumik ilaannakortumilluunniit takornariatitsinermi ingerlataqarnermut pilersaarutiginiarlugu ilanngunniarlugulu kissaatigisimappagu, akuersissummik tunniussinissaq siunertarlugu Naalackersuisut immikkut ittumik innuttaasunut ammasumik qinnuteqaqqusisinnaapput.”</p> <p><i>Imm.5.</i> Imm. 4 tunngavigalugu qinnuteqartoqartillugu pilersaarusiornermi oqartussaasut Naalackersuisut apeqquteqaataannik tigusinermiit ullut 90-t qaangiutsinnagit akissuteqareersimassapput.</p> <p><i>Imm. 6.</i> Qinnuteqaatit periutsit imm. 2-4-mi taaneqarsimasut malillugit qinnuteqaatit tunniunneqarsimasut tunngavigalugit Naalackersuisut akuersissummik tunniussinngitsoorsinnaapput.</p>
	<p>§ 2</p> <p>Inatsisartut inatsisaat atuutsinneqalissaaq ulloq 1. juli 2015.</p> <p><i>Imm. 2.</i> Tamanna ilutigalugu Sukisaarsaaitigalugu aalisartunik aalisartitsinermut akuersissuteqartarneq pillugu Inatsisartut</p>

3. Pisortanut aningaasaqarnikkut allaffissornikkullu kingunerisinnaasai

Siunnersuut aallaaviatigut pisortanut aningaasaqarnikkut allaffissornikkullu kinguneqassanngitsutut nalilerneqarpoq, takornariartitsinermilli inuussutissarsiorfimmi akuersissuteqartarnernut oqinnerisumik allaffissornermik periaaseqalerermik nassataqassaaq.

4. Inuussutissarsiortunut aningaasaqarnikkut allaffissornikkullu kingunerisinnaasai

Allanngutissatut siunnersuut inuussutissarsiorfimmuut pitsaanerusunik sinaakkutissatut atugassaqarnermik isumannaarissaaq, malittarisassiat ikinnerulissammata, sulianik isumaginnittarneq assigiiaarnerusoq qulakkeerneqassammat, kiisalu takornariartitsinermik suliffeqarfinnut takornariartitsinermillu suliaqartartunut annertunerusumik paasinarneruleersitsineq pilersinneqarluni.

Nalilerneqarpoq allannguutit aningaasarsiornikkut aamma allaffissornikkut inuussutissarsiortunut pitsaasumik kinguneqarnissaat.

5. Avatangiisinut, pinngortitamut innuttaasullu peqqissusaannut kingunerisinnaasai

Siunnersuut avatangiisinut, pinngortitamut innuttaasullu peqqissusaannut kinguneqartussatut naatsorsuutigineqanngilaq.

Sumiiffinni nunami aalajangersimasuni takornariartitsinermut akuersissuteqartarnissaaq pillugu Inatsisartut inatsisaanni nr. 19, 3. december 2012-imeersumi § 24-mi allassimavoq takornariartitsinermut tunisassiat neqeroorutigineqassasut isumannaallisaanermut, peqqissutsimut avatangiisinullu ulorianaateqanngitsumik isumannaatsumillu.

6. Innuttaasunut kingunerisinnaasai

Siunnersuut innuttaasunut kinguneqartussatut naatsorsuutigineqanngilaq. Innuttaasut suli piniarnissamut, aalisarnissamut, qimussernissamut, kiisalu pinngortitamiinnissamut il.il. pisinnaatitaaffeqartuassapput, tamatumunnga malittarisassiat nalinginnaasut naapertorlugit, naak sumiiffik pineqartoq aammalu ingerlataq pineqartoq akuersissuteqarfiugaluartut.

7. Kingunerisinnaasai allat pingaaruteqartut

Siunnersuut allanik pingaarutilinnik kinguneqartussatut naatsorsuutigineqanngilaq.

8. Pisortatut oqartussanik kattuffinnik il.il. tusarniaaneq

Siunnersuut piffissami 4. december 2013-imit 6. januar 2014-imut Namminersorlutik Oqartussat tusarniaassutinut nittartagaaniissimavoq.

Taamattaq siunnersuut makkununnga tusarniaaffigisassanut toqqaannartumik nassiunneqarsimavoq:

Aningaasaqarnermut Nunamullu Namminermt Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Avatangiisinut Pinngortitamullu Naalakkersuisoqarfik, Ineqarnermut Naalakkersuisoqarfik, KANUKOKA, Kalaallit Nunaanni Sulisitsisut Peqatigiiffiat, KNAPK, SIK, ICC, Kommuneqarfik Sermersooq, Kommune Kujalleq, Qaasuitsup Kommunua, Qeqqata Kommunua, Grenland Business, Visit Greenland, Sermer-suumi Inuussutissarsiornermut Siunnersuisooqatigiit, Qeqqata Inuussutissarsiornermut Siunnersuisooqatigiivi.

Makkunanit tusarniaanermut akissutit pissarsiarineqarput: Aalisarnermut, Piniarnermut Nunalerinermullu Naalakkersuisoqarfik, Aningaasaqarnermut Nunamullu Namminermt Naalakkersuisoqarfik, Kommuneqarfik Sermersooq, KNAPK, GA, Greenland Venture, Pisortaq, ICC.

Tulliuttumi tusarniaanermut akissutit, aammalu tusarniaanerup nalaani allannguutissatut siunnersuutit takkussimasut sammineqarput. Akissutit naqinnernik uingasunik nalunaarsukkat taamaallaat pingaarnersiulluni naliliineq tunngavigalugu pingaarnersiorneqarlutik is-suarneqarneri oqaatigineqassaaq.

Tusarniaanermut akissutit tamarmik tamakkiisutut Inatsisartuni ataatsimiititaliamut suliarinnittuusumut ilanngullugit nassiunneqarput.

Aalisarnermut, Piniarnermut Nunalerinermullu Naalakkersuisoqarfiup nalunaarpaa: ”Inuussutissarsiornermut Naalakkersuisoqarfik takornariatitsinermt akuersissuteqartarnermt inatsisikkut eqalunnik sunngiffimmi aalisarnermt akuersissuteqartarneq pillugu inatsisaatitsinnik ataatsimut isigalugu assiliisimanerat, *aammalu takornariatitsinermt akuersissuteqartarnerup ataani sunngiffimmi aalisarnermik ingerlatitseqqikkusunnerat nuannaarutigaarput.*”

Kommuneqarfik Sermersuup oqaatigaa, *Naalakkersuisoqarfimmi ataatsimi akuersissuteqartarnermt inatsisaasut ataatsimoortinneqarnerat iluarinartoq. Inatsisartut inatsisaat nr.20, 22. november 2011-meersumi kapitalit 3 aamma 4-p atoqqiinnarneqarnissaat Sermersuup kissaatigai.*

Sumiiffinni nunami aalajangersimasuni takornariatitsinermt akuersissuteqartarnissaq pillugu Inatsisartut inatsisaat nr. 19, 3. december 2012-imeersoq Kalaallit Nunaanni takornariatitsinermt sammisaqartut qanimut suleqatigalugit suliarineqarpoq. Tassunga atatillugu sunngiffimmi aalisarnermik inatsit aamma atuutsinneqassappat immikkut ittunik pisseqartoqarneranik uparuaasoqanngilaq. Taamatullu Aalisarnermut, Piniarnermut Nunalerinermullu Naalakkersuisoqarfimmit tusarniaanermut akissutaasoq innersuussutigineqarpoq. Taamaattumik siunnersuut allannguuteqarnissamat pequtissaqartitsisimanngilaq.

Kommuneqarfik Sermersuup nalunaarjaa akuersissutinut atasumik akiliinissamut piimasaqaatinik qanoq ittunik piimasaqaateqartoqarnerisq ersarissumik allassimasariaqartoq.

Akiliinissamut piimasaqaatit inatsimmi atuuttumi allassimasut najoqqutassat assigiinngitsut aallaavigalugit aalajangerneqartassapput. Nalilerneqarpoq pissusissamisuussanngitsaq akigititassanik aalajangersaanissaq, suliat ataasiakkaarlugit nalilersuinnermut sanilliullugu. Suliat Naalackersuisoqarfimmi ataatsimi suliarineqarsinnaammata sullissinerup sukkanerusumik ingerlanneqarsinnaanera takusinnaagitsik Kangaamiuni Aalisartut aamma Piniartut Peqatigiiffiat sinnerlugu KNAPK akissummik ingerlatitseqqippoq.

Aalajangiisartumi ataatsimi akuersissuteqartarnerit pillugit inatsisigittat tamarmik inissinneqassammata, tassuunakkullu qinnuteqaatinik suliarinninnermik siuarsaassagunarnera pisutugalugit inatsisissatut siunnersuut eqqortumik suliaanerarlugu Pisortaq nalunaarpoq. ICC-p oqaatigaa ICC-ip isumaa naapertorlugu suliaq Aalisarnermut, Piniarnermut Nunalerinermullu Naalackersuisoqarfimmi suliaasaasariaqaraluartoq, Naalackersuisoqarfik akuersissuteqartumik aalisarnermi piniarnermilu atuisuusunik qanimut suleqateqartuummat, taakkualu immikkut ilisimasaqartuummata, suliani assigiinngitsuni akulerutissallugit pissusissamisoortuusumik.

Aalisarnermut, Piniarnermut Nunalerinermullu Naalackersuisoqarfik takornariaqartitsisarnermut atasumik akuersissuteqartarnerup Inuussutissarsiornermut, Aatsitassarsiornermut Suliffeqarnermullu Naalackersuisoqarfimmi katersorneqarnissaannut siunnersuummut tamakkiisumik tapersiivoq.

Pissutsit tamakku pillugit ICC nalunaarummik suliaqartitsisimavoq. ”Ileqqut malillugit pisinnaatitaaffiit pineqaraangata kalaallit tamarmiullutik pisinnaatitaaffiik illersuisussamik pingaarnerutitatu inatsiseqartitsinerup pigineqarnerata sianigeqquneqarnissaa” ICC’mut ilungersuutaavoq.

Siunnersuut inuup kalaallip pinngortitami angalaarsinnaaneranut, aalisarsinnaaneranut, piniarsinnaanerannullu pingaaruteqanngilaq. Siunnersuut taamaallaat takornariartitsinermut tunngassuteqartuni isumaqarpoq.

Siunnersuut piffissami 23. december 2014-imiit 20. januar 2015-imut tusarniaanermut nittartakkamiippoq, kiisalu oqartussaasuni kattuffinni suliffeqarfinnilu makkunani tusarniaassutaasimalluni:

Aningaasaqarnermut Aatsitassanullu Naalackersuisoqarfik, Naalackersuisut Siulittaasuata Naalackersuisoqarfia, Ineqarnermut, Sanaartornermut Attaveqarnermullu Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik,

Avatangiisinut, Pinngortitamut Inatsisinillu Atuutsitsinermut Naalakkersuisoqarfik, Ilaqutariinnermut, Naligiissitaanermut, Isumaginninnermullu Naalakkersuisoqarfik, Peqqissutsimut Nunallu Avannarliit Suleqatigiinnerannut Naalakkersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik, Visit Greenland, Greenland Venture, Greenland Business, Sermersooq Erhvervsråd, Qeqqata Erhvervsråd, Kalaallit Nunaanni Sulisitsisut Peqatigiiffiat (GA), NUSUKA, S.I.K., KANUKOKA, KANUNUPE, Kommune Kujalleq, Kommuneqarfik Sermersooq, Qeqqata Kommunia, Qaasuitsup Kommunia, KNAPK, Nunaoil A/S, NunaMinerals A/S, Greenland Mining Services A/S, Grønlandsbanken, Transparency Greenland, Nunatsinni Advokatit, AvataQ – Pinngortitaq Avatangiisillu pillugit Peqatigiiffik, ICC Kalaallit Nunaat, Inatsisartut Ombudsmandiat aamma Naalagaaffiup Sinniisuutitaa.

Pisortaqarfinnit, kattuffinnit suliffeqarfinnillu tulliuuttuni pineqartunit tusarniaanermi akissutinik tigusaqartoqarpoq:

S.I.K., Visit Greenland, Ilaqutariinnermut, Naligiissitaanissamut Isumaginninnermullu tunngasunut Naalakkersuisoqarfik, Kalaallit Nunaanni Sulisitsisut Peqatigiiffiat (GA), Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik, Kalaallit Nunaanni Naalagaaffiup Sinniisuutitaa, Pinngortitamut, Avatangiisinut Inatsisinillu Atuutsitsinermut Naalakkersuisoqarfik, Arctic Circle Business, Kommuneqarfik Sermersooq, Qaasuitsup Kommunia, Qeqqata Kommunia, Kommune Kujalleq, KANUKOKA, kiisalu KNAPK.

Tullinguuttumi tusarniaanermut akissutit aamma avataani tusarniaanerup nalaani allannguutissatut siunnersuutit takkussimasut sammeneqarput. Tusarniaanermut akissutit, uingasunik allassimasut taamaallaat pingaaruteqassutsimik naliliisoqarnera tunngavigalugu pingaarnersiorlugit ilanngunneqarnerat malugeqquneqassaaq.

Tusarniaanermi najoqqutassat tigusimani S.I.K. 'p qujassutigai, nalunaarlutillu inatsisissatut siunnersuummut oqaaseqaatissaqarnatik.

Visit Greenland-ip qujassutigaa takornariartitsisarnermi akuersissuteqartarnermut inatsisissatut siunnersuutip tusarniaassutigalugu nassiunneqarnera. Visit Greenland-ip ersarissumik takusinnaava takornariartitsisarnermut atatillugu akuersissuteqartarnerit killiliussatut inatsimmi ataatsimi katersorneqarnissaat. Tamanna takornariartitsisarnermik ingerlatsisuusartunut maleruagassat tungaasigut ersarinnerusumik inissisimalernissaannut aqqutissiuisussatut isigineqarpoq, akuersissutinillu sumiiffinnut aalajangersimasunut assigiimmik qinnuteqartoqartarneranik sulianik ingerlatsinermi oqilisaassisuusussatut nalilerneqarluni. Visit Greenland allanik oqaaseqaatissaqanngilaq.

Kalaallit Nunaanni Sulisitsisut Peqatigiiffiat inatsisissatut siunnersuummut oqaaseqaatissaqanngilaq.

Naalagaaffiup sinniisuutitaa siunnersuummut oqaaseqaatissaqanngilaq.

Ilaqutariinnermut, Naligiissitaanissamut Isumaginninnermullu Naalackersuisoqarffik siunnersuummut oqaaseqaatissaqanngilaq.

Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarffik siunnersuummut oqaaseqaatissaqarani nalunaarpoq.

Pinnngortitamut, Avatangiisinut Inatsisinillu Atortitsinermit Naalackersuisoqarffik oqaaseqaatissaqanngilaq.

Akuersissuteqarfittut suliaasaqarfiup ingerlattakkat pisariillisarniarlugit naalackersuisoqarfiup ataatsip iluanut katersugaanissaat Arctic Circle Businessip tapersersorpaa. Destination Arctic Circle aamma Arctic Circle Business siunnersuummik tapersersuipput.

Kommuneqarffik Sermersuup (KS) tapersersorpaa takornariartitsisarnermut akuersissuteqartarnerit tamarmik inatsimmi ataatsimit maleruagassiuunneqarnissaat, kisiannili nalilerlugu sukisaarsaatigalugu aalisariartarnermut inatsimmi immikkoortut pingaarteqartut uani siunnersuummi katitsigaasumik ilanngunneqarsimanngitsut. KS-ip amigaatit pineqartut nalunaarsorpai. KS-ip siunnersuutigaa piumasaqaatit pineqartut inatsimmi imaluunniit nalunaarusiassami ilanngunneqarumaartut.

Kissaatigineqarpoq allaaserineqassasoq kina sumiiffimmu pineqartumut isersinnaatitaanersoq, aamma piumasaqaatit qanoq ittut iluanni.

Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaat nr. 19, 3. december 2012-meersumut oqaaseqaatini imm. 6-ip ataani imatut allassimasoqarpoq:

Siunnersuut innuttaasunut kinguneqassanngitsoq nalilerneqarpoq. Taamaammat suli aallaaniarsinnaatitaasoqassaaq, aalisartoqarsinnaatitaasoqassaaq qimussertoqarsinnaatitaasoqassaaq, kiisalu pinnngortitamiissinnaatitaasoqarluni tamakkununga malittarisassat nalinginnaasut malillugit suliaqarsinnaallutik, naak sumiiffik pineqartoq ingerlatarlu pineqartoq akuersissuteqarnissamut piumasaqaammut ilaagaluartoq. Akuersissuteqarnissamut piumasaqaat taamaallaat atuutissaaq takornariartitsinermit niuerutissanik tunniussinerit eqqarsaatigalugit, ingerlatallu taaneqartut assersuutigalugu takornariartitsinermit niuerutissat nassuiarneqarnerisa avataaniippata, inullu tamakkuninnga sammisaqartoq sammisamik ingerlataqarniarluni inummut allamut akiliuteqarsimanani. Piginnaatitsissummik pigisaqartup sumiiffimmi aalajangersimasuni takornariartitsinemi ingerlatassamut akuersissummik pissarsinerani innuttaasut nalinginnaasut killeqartuinnarmik

sunniuteqarfigneqarnissaat naatsorsuutigineqarpoq, soorlu innuttaasut ataasiakkaat misigisinnaallugu sumiiffimmi aalajangersimasumi inuit aalisariartut, aallaaniartut allatulluunniit takornariartitsinermi niuerutinut ilaasunut sammisaqartut amerlanerulersimaneri.

Tamanna erseqqissaavigeqqinniarlugu Naalakkersuisut nalunaarsiussapput, 2015-ip ingerlanerani suliarineqartussamik.

Sukisaarsaatigalugu aalisartut aalisakkallu pisat amerlassusaannut naatsorsueqqissaarinissamut pisussaaffiusumut KS isummertoqarnissaanik kissaateqarpoq.

Oqaaseqaatit allannguissamut tunngavissiisimangillat, tamakkununga tunngasut Akiliuteqarluni aallaaniarneq aalisarnerlu pillugit Namminersornerullutik Oqartussat nalunaarutaanni nr. 22, 19. august 2002-meersumi inatsisilersugaareermata. Nalunaarut taanna aalisarnerq pillugu Inatsisartut inatsisaat nr. 18, 31. oktober 1996-imeersumik tunngaveqarpoq.

Taamatuttaaq aalisarnermut allagartamik tunniussaqaqartarnissaq pillugu piumasagaammut isummertoqarnissaanik KS kissaateqarpoq.

Akiliuteqarluni aallaaniarneq aalisarnerlu pillugit Namminersornerullutik Oqartussat nalunaarutaat nr. 22, 19. august 2002-meersooq naapertorlugu akiliuteqarluni aalisarnerq taamaallaat inunnit, aalisarsinnaanermik allagartamik atuuttumik pigisaqartunit ingerlanneqarsinnaavoq. Piffissami killilimmi aalisarnermut allagartaq qissattaammik, akkersalimmik allatulluunniit assassuutigalugu sakkunik atugaqarluni aalisarnissamik pisinnaatitsivoq. Tamanna aamma sukisaarsaatigalugu aalisarnermut akuersissutip ataani aalisarnermi peqataasunut atuuppoq.

Sukisaarsaatigalugu aalisartunik aalisartitsinermit akuersissuteqartarneq pillugu Inatsisartut inatsisaat nr. 20, 22. november 2002-meersumi § 9 malillugu akuersissummik piginnittumit aalisarnermut allagartaq tunniunneqartassaaq. Allagartaq sukisaarsaatigalugu aalisartunut ataasiakkaanut tamanut tunniunneqassaaq, sumiiffimmullu akuersissuteqarfiusumukarsinnaanermik pisinnaatitsivoq.

Siunnersuut naapertorlugu Sukisaarsaatigalugu aalisartunik aalisartitsinermit akuersissuteqartarneq pillugu Inatsisartut inatsisaat nr. 20, 22. november 2011-meersooq atorunnaarsinneqassammat aalisarnermut allagartaqarnermut tunngasutut malittarisassiat atorunnaassapput, aalajangersagaq pisariaqanngitsutut isigineqarmat, kikkut tamarmik akiliuteqarlutik aalisarnermi peqataasut aalisarsinnaanermut allagartaqartussaammata. Tamanna najugaqavissut sumiiffimmi aalisarsinnaatitaanerannut angalaarsinnaatitaanerannullu sunniuteqassanngilaq.

KS-ip tamatuma saniatigut kissaatigaa kuuit akuersissuteqarfiusut allaaserineqarnissaat, tamatumani aamma piujuaannartitsinermik tunngavilimmik aalisartoqarnissaata nalilersorneqarnissaa, kiisalu sumiiffinni pineqartuni allagarsiisoqartarnissaa.

Akuersissutip nalunaarutiginnissaa pillugu nalinginnaasumik tamanut ammasumik qinnuteqaateqaqqusinerup (neqeroortitsinerup) kingorna akuersissut nalunaarutigineqarsinnaasoq inatsimmi § 8, imm. 2-mi allassimavoq. Naalakkersuisut nittartagaanni, kiisalu tusagassiorfinni qinnuteqarfissap naanissaa minnerpaamik ullunik 45-nik sioqqullugu Naalakkersuisut tamanut nalunaaruteqassapput.

Neqeroortitsisoqarsinnaananeranut tunngaviussapput pilersaarusionermut oqartussaasut sumiiffiup pineqartup takornaraqartitsinermut atorneqarsinnaalernissaanik pilersaarusionsimerat, kiisalu suliniutit qanoq ittut akuersissummi pineqarnerannik aalajangersaasimerat.

Pitsaasumik aqutsisoqarnermik periusaasartut naapertorlugit neqeroortitsinerup piviusunngortinnera sioqqullugu najugaqarfinni soqutigisaqaqatigiinnut, pingaarutilittut ilisimatusarnikkut sullissivinnut, tassani aamma Pinngortitaleriffik, naalakkersuisoqarfinnut allallunullu pisortani oqartussaasoqarfinnut neqeroortitsinermut atugassatut allagaatit tusarniaassutigalugit Naalakkersuisut nassiutissavaat.

Ilanngullugulu aamma KS kissaateqarpoq nunatta karsianut akiliuteqartitsinissamut pisinnaatitsissummik allassimasoqassasoq, taamaattoq tassani akiliutip pineqartup angissusissaa inatsimmi allassimatinnagu.

Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaanni nr. 19, 3. december 2012-meersumi § 16-imi allassimavoq Tamatumunnga atatillugu aalajangersarneqarsinnaavoq akuersissummi nunaminertap angissusia tunngavigalugu naatsorsuereernerme akitsuummik akiliisoqartassasoq (nunaminertamut akitsuut), akuersissut malillugu ingerlatat malitsigisaannik pisinnaatitsissummik pigisaqartup kaaviiartitaasa amerlassusai tunngavigalugit naatsorsuinikkut akitsuummik akiliisoqartassasoq (kaaviiartitsinermut akitsuut), akuersissut malillugu ingerlataqarnerit malitsigisaannik pisinnaatitsissummik pigisaqartup aningaasarsiornikkut sinneqartoorutitigut pissarsiarisaasa amerlaqataanik akitsuummik akiliisoqartassasoq (sinneqartoorutinit akitsuutit) imaluunniit taakku ilaat imaluunniit taakku tamakkerlugit akuleriisinnerisigut

Sukisaarsaatigalugu aalisarnermut akuersissutaasoq immikkut ittumik pilersaarusiornikkut tunngaveqassanerannik, suliarisamut atasumik illuliortoqarluniluunniit sanaartortoqassagaluarpat allannguut nassataqassanersoq QAK-p paasisaqarfiginiarlugu kissaatigaa.

Kommunip pilersaarutaani allannguuteqartoqarpap pilersaarummut tapiliummik suliaqartoqassasoq Pilersaarusionerq aamma nunaminertat atornerqartarnerat pillugit Inatsisartut inatsisaat nr. 17, 17. november 2010-meersumi allassimavoq. Takornariartitsiffiusoq kommunip pilersaarutaani aalajangersarneqanngippat kingornatigut sumiiffinnut akuersissuteqarfiusussatut aalajangersagaasunut pilersaarummut tapiliummik suliaqartoqassaaq.

Najugaqarfimmi atuisarnermik soqutigisarisat atorunnaarsinnerinik tusarniaaneq pillugu QAK paasisaqarnissamik kissaateqarpoq. Taamatuttaaq tamanna pilersaarusionermit tunngavigisap suliarineranut, tassungalu atasutut tamanut ammasumik tusarniaanermut attaveqartuunera QAK-p apeqqutigaa.

Akuersissutip nalunaarutiginnissaa pillugu nalinginnaasumik tamanut ammasumik qinnuteqaateqaqqusinerup (neqeroortitsinerup) kingorna akuersissut nalunaarutigineqarsinnaasoq inatsimmi § 8, imm. 2-mi allassimavoq. Naalackersuisut tamanut saqqummiussamik nalunaaruteqassapput qinnuteqaqqusinermik, minnerpaamik qinnuteqarfissaap naanissaa ullunik 45-nik sioqqullugu, Naalackersuisut nittartagaatigut tusagassiorfitsigullu.

Neqeroortitsinerup tunngavigissavaa pilersaarusionermit oqartussaasut suliami susassaqtut sumiiffiup takornariaqartitsinermit atornerqarsinnaaneramik pilersaarusionerimanagerat, kiisalu akuersissummi tunniunneqarumaartumi suliniutit qanoq ittut ingerlanneqarsinnaanerannik pilersaarusionerimanagerat.

Naalackersuisut immikkoortortamut pilersaarummi aalajangersarsinnaavaat nunaminertat sumiiffiit aalajangersimasut takornariartitsinermit atornerqarsinnaaneramat, kiisalu suliarisanut atornerqarsinnaaneramat sumiiffiit aalajangersimasut aalajangiussinnaavaat, kiisalu akuersissummi tunniunneqarumaartumi suliniutit qanoq ittut ingerlanneqarsinnaanerannik pilersaarusionerimanagerat.

Naalackersuisut aqutsisoqarnermi pitsaasumik ingerlatsisoqarnissaanik periusaasartut atuuttut naapertorlugit neqerooruteqarnissamut missingersuusiata sumiiffinni soqutigisaqartunut, tamatuani aamma ilisimatusarnikkut ingerlatsivinnut naleqquttunut, Naalackersuisoqarfinnut pisortallu ingerlatsiviinut allanut suliami naleqquttunut tusarniaassutigisinnaavaat, neqeroortitsinerup piviusunngortinneqarnissaa sioqqullugu.

Inatsimmut pisinnaatitsinermik ilassutiliornissamik sooq Naalackersuisut pisariaqartitsinersut QAK-p erseqqissuunngitsutut isigaa.

Akuersissuteqartarnermit inatsit atuuttoq Inatsisartunit tamarmiusunit 2012-imi akuersissutigineqarpoq. Inatsisip siunertaa tassaavoq piffissamut ungasissumut sinaakkutissat

qulakkeernissaat, inuussutissarsiummi pisariaqartitanik namminersuutigisatut aningaasaliinernik takornariartitsinermik suliallit aningaasaliisarlutik, tamannalu aqutugalugu annertusisamik suliaqartitsinermik najugaqarfimmilu siuarsarnermik pilersitsillutik. Pisinnaatitsissut tamanna inatsisip siunertaata piviusunnngortinnissaanik qulakkeerinneqataassaaq, taamaalillunilu takornariartitsinermik akuersissutinut sumiiffiit atugassiarineqarsinnaassallutik.

Kommunimi kommunip pilersaarutaani immikkoortortat ilaannik atugassiisoqartarnerat paasillugu sumiiffimmik atugassiineq pineqarnerseq QAK-p erseqqissuunngitsutut isigaa. Inatsisip oqaasertaani oqaaseq "aalajangersaaneq" atorneqarpoq, oqaaseqaatinilu oqaaseq "atugassiineq" atorneqarluni.

Oqaatsinik atuneq pillugu oqaaseqaatit piariaqartilersimavaat nassuiaatit naleqqussarneqarnissaat. Taamaasilluni maanna allassimalerpoq Naalakkersuisut aalajangersarsinnaagaat immikkoortortanut pilersaarutit, tamatumalu kingorna kommunit pisussaasut immikkoortortanut pilersaarummi sumiiffinnik takornariartitsinermut atorneqartussanik toqqaasussaasut.

Kommunit nunaminertanik qanoq atugaqarnissaannik aalajangiinissamut kommunalbestyrelsip piginnaasaqarneranik siunnersuut killiliisuusooq QAK saqqummiussivoq.

Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersumi § 9 naapertorlugu inuiaqatigiinnut tunngasutigut soqutigisarisaat pingaarutillit isumaginissaannut, ilanngullugit Namminersorlutik Oqartussat immikkoortortanut soqutigisarisaannut Naalakkersuisut kommunimi pilersaarusiornermut erseqqinnerusumik aalajangersakkanik (nuna tamakkerlugu pilersaarusiornermut malitassanik) akuersissuteqarsinnaapput. Nuna tamakkerlugu pilersaarusiornermut malitassaq kommunip pilersaarutaatulli immikkoortortap ilaata atugaaneranut annikitsortalersukkanik aalajangersagartallip inatsisitigut atuuffeqarsinnaanera Naalakkersuisut aalajangiussinnaavaat.

Immikkoortortanut pilersaarutit suliarinerinut atatillugu kommune, najugaqarfimmilu soqutigisaqatigiit tamatigut tusarniaavigineqartassapput.

Sumiiffinnik atuinermullu aalajangersaanermut atatillugu najugaqarfinni pilersaarusiornermik oqartussaasunik tusarniaasarneq inatsisip oqaasertaani ilaatinneqanngitsoq QAK-p nalunaarpaa.

Maannakkut pitsaasumik periusaasartoq naapertorlugu kommunit soorlulusooq najugaqarfimmi soqutigisaqatigiit tusarniaavigineqartassasut oqaaseqaatini § 8, imm. 3-mi erseqqissaavigineqarpoq.

QAK-p oqaatigaa siunnersuut sumiiffinni ingerlatserusussutsimik siuarsaasuunngitsoq imaluunniit aallartitsinissamut anersaaqarnermik qiimmasaasuunngitsoq. Aarlerinaateqarpoq inuit sumiiffinni najugaqartut takornariartitsinermi ineriartornermut isiginnaartuinnarnissaat.

Sumiiffinni nunami aalajangersimasuni takornariatitsinermit akuersissuteqartarnissaq pillugu Inatsisartut inatsisaat nr. 19, 3. december 2012-meersumi §§ 14 aamma 15-imi naapertorlugu takornariatitsinermit ingerlataqarnermut akuersissut inummut piumasaqaatinik makkuninnga eqquutsitsisumut taamaallaat tunniunneqarsinnaavoq:

- 1) Inuk piffissami katillugit ikinnerpaamik ukiut marluk sioqqullugit ilaatinneqartunut Kalaallit Nunaanni inuit allattorsimaffiat malillugu najugaqarsimasoq.
- 2) Inuk inuit allattorsimaffiat malillugu Kalaallit Nunaanni najugaqartoq.
- 3) Inuk Kalaallit Nunaanni tamakkiisumik akileraartussaataasooq.
- 4) Inuup aningaasatigut pisuussutiminik tamakkiisumik atuisinnaatitaasooq, tamatumunngalu atatillugu akilersuinerminik unitsitsisimassanani, akiliisinnaajunnaarsimassanani imaluunniit tamakkununnga nallersuussinnaasunik inissisimassanani.

Imm. 2. Inuk akuersissut malillugu pisinnaatitsissummik pigisaqartoq, piffissaq akuersissuteqarfiusoq tamaat imm. 1-imi piumasaqaataasut eqquutsissimassavai.

Takornariatitsinermit ingerlataqarnissamut akuersissut taamaallaat ingerlatseqatigiiffimmut piumasaqaatinik makkuninnga eqquutsitsisumut tunniunneqarsinnaavoq:

- 1) Suliffeqarfik ingerlatseqatigiiffiuppat imaluunniit piginneqatigiiffiuppat Kalaallit Nunaanni angerlarsimaffeqartutut nalunaarsorsimasoq.
- 2) Suliffeqarfik aningaasatigut pisuussutiminik tamakkiisumik atuisinnaatitaasooq, tamatumunngalu atatillugu akilersuinerminik unitsitsisimassanani, akiliisinnaajunnaarsimassanani imaluunniit tamakkununnga nallersuussinnaasunik inissisimassanani.

Imm. 2. Suliffeqarfik akuersissut malillugu pisinnaatitsissummik pigisaqartup piffissaq akuersissuteqarfiusoq tamaat imm. 1-imi piumasaqaatit eqquutsittussaavai.

Siunertaq tassaavoq nunatsinni inuiaqatigiinnut attaveqarlutik najugaqarfimmeersunut akuersissutip tunniunneqartarnissaata qulakkeernissaa.

Siunnersuut kommunimut, kiisalu annikitsunik suliaqartuusunut iluaqutaassanngitsoq QAK-p nalunaarpaa.

Akuersissummik pissarsisinnaanerup aningaasaliisut aningaasaliissutiminnit iluanaaruteqarsinnaanerannik nukittorsaanissaat nalilerneqarpoq. Tamanna takornariatitsinermit inuussutissarsiorfiup iluani illoqarfinni nunaqarfinnilu inuussutissarsiorfinni aningaasaliisarnermut kajungernarsaanerussaag, tassuunakkullu kommuninut annikitsunillu suliaqartuusunut iluaqutaasunik siuarsaanermik pilersitsisoqassalluni.

Siunnersuutip kisermaassisuunermik nassataqarnissaa, isorliunerusunilu takornariatitsinermit ingerlatsisuusunik arsaartuisuunissaa QAK-p nalunaarpaa.

Takornariatitsinermit akuersissuteqarnermut inatsisip siunertaa tassaavoq takornariatitsisoqarfiusumut aningaasaliissutit pissarsiniarsarinissaq, aamma takornariat

amerlassusaannik annertusaanissaq. Takornariat amerlassusaasa annertusineri suliffinnik amerlanernik pilersitsissapput, annertunermik kaaviiartitsisoqarfiulissapput, aammalu najugaqarfinni suliffeqarfinnut niuerfitsigut nutaanik periarfissiillutik.

Inatsimmut allannguutissatut siunnersuut Qeqqata Kommuniata (QEK-p) tikilluaqquaa, aqutsisoqarfimmullu suliaqartunullu takornariatitsinermik akuersissutinut tunngasutut inatsisit katersorneri assut iluaqutaaneri nalunaarlugu.

Kommunini pilersaarusiornermik oqartussaasut najugaqarfinnilu takornariatitsinermik suliaqartut suleqatigiinneri inatsisip oqaasertaanut allanneqartariaqartut QEK-p nalunaarppaa.

Maannakkut pitsaasumik periusaasartoq naapertorlugu kommunit soorlulusooq najugaqarfimmi soqutigisaqaqatigiit tusarniaavigineqartassasut oqaaseqaatini § 8, imm. 3-mi erseqqissaavigineqarpoq.

Takornariatitsinerup iluani pilersaarusiornermut nalunaarsuinemullu inatsisit kattusaaaneri assupilussuaq pitsaassuseqartumik sakkusaaanissai Kommune Kujalliup (KK-p) isigai.

Aaqqiissumut najugaqarfimmi piginnittuunissaq pilersinniarlugu annertunerusumik najugaqarfimmit peqataasoqarnissaanik kissaateqarnertik KK-p nalunaarppaa. Akuersissutini ataasiakkaani najugaqarfimmi innuttaasut pissusissamissut suleqataasuulernissaat KK-p kissaatigaa.

Akuersissutip nalunaarutiginnissaa pillugu nalinginnaasumik tamanut ammasumik qinnuteqaateqaqqusinerup (neqeroortitsinerup) kingorna akuersissut nalunaarutigineqarsinnaasoq inatsimmi § 8, imm. 2-mi allassimavoq. Naalakkersuisut tamanut saqqummiussamik nalunaaruteqassapput qinnuteqaqqusinermik, minnerpaamik qinnuteqarfissaap naanissaa ullunik 45-nik sioqqullugu, Naalakkersuisut nittartagaatigut tusagassiorfitsigullu.

Pingaartilittut pilersaarusiornermik oqartussaasoqarfiup takornariatitsinermik suliaqarnermut sumiiffimmik pineqartumik pilersaarusiorsimaneranik, kiisalu akuersissummi suliassanik sorlernik aalajangiussaqaarsimaneranik neqeroortitsineq tunngaveqarpoq.

Naalakkersuisut immikkoortortamut pilersaarummi takornariatitsinermik suliarisanut sumiiffiit aalajangiussinnaavaat, kiisalu akuersissummi suliarisat sorliit imarissaneraat aalajangersarsinnaallugu.

Pitsaasumik aqutsisoqarnermik periusaasartut naapertorlugit neqeroortitsinerup piviusunngortinnera sioqqullugu najugaqarfinni soqutigisaqaqatigiinnut, pingaarutilittut ilisimatusarnikkut sullissivinnut, ilanngullugu Pinngortitaleriffik, Naalakkersuisoqarfinnut

allallunullu pisortani oqartussaasoqarfinnut pingaarutilinnut neqeroortitsinermit atugassatut allaqqaakkat tusarniaassutigalugit Naalackersuisut nassiutissavaat.

KK-p siunnersuutigaa takornariatitsisarnermik suliaqartut akuersissummik qinnuteqaateqartut tamanna taamaallaat piviusunnngortissinnaassagaat sumiiffinni pineqartuni takornariatitsinermit ingerlataqartunik kuunnut eqaloqarfinnut ilisimasaqarnermik uppersaasinnaasunik naligiimmik suleqateqarnikkut.

Qulaani oqaaseqaammut tunngatillugu nunamut najugaqarfimmit attaveqartuunissamik pisariaqartitsisutut takornariatitsinermit akuersissutit tunniunnerinut najoqqutassanut tunngatillugu QAK-p tusarniaanermut akissutaanut qulaani akissut tunniunneqartoq innersuussutigineqarpoq.

Naggasiutigalugu aaqqiissummut tunngatillugu paasisitsiniaasoqarnissaa tulluartaussasoq KK-p eqqaavaa, taamaalilluni periarfissaasunut najugaqarfiusumi soqutiginninnermik pilersitsisoqassamat.

Naalackersuisut siunnersuut isumaqatigaat, inatsillu akuersissutigineqarpat paasisitsiniaanissaq ingerlanniarpaat.

Tusarniaassummut KANUKOKA qujavoq, kommunillu oqaaseqaataannik tamakkiisumik tapersersuivoq.

Sinerissami takornariatitsinermit siuarsaaneq pitsanngorsaanerlu, takornarianut eqaloqarfinni qissattaateqarluni aalisarneq KNAPK-p tapersersornissaata naleqartuunera isumaqarfiga, tamannalu KNAPK-p peqataaffigerusuppa.
Eqalunniartarfinnik piniariartarfinnillu qanga atugaasartunik atuisut ataqqiniarlugit kommuninilu siunersiuisoqartarnissaa KNAPK-p kissaatiginartuutippaa.

Akuersissutip nalunaarutiginnissaa pillugu nalinginnaasumik tamanut ammasumik qinnuteqaateqaqqusinerup (neqeroortitsinerup) kingorna akuersissut nalunaarutigineqarsinnaasoq inatsimmi § 8, imm. 2-mi allassimavoq. Naalackersuisut tamanut saqqummiussamik nalunaaruteqassapput qinnuteqaqqusinermit, minnerpaamik qinnuteqarfissaap naanissaa ullunik 45-nik sioqqullugu, Naalackersuisut nittartagaatigut tusagassiorfitsigullu.

Pingaarutilittut pilersarusiornermit oqartussaasoqarfiup takornariatitsinermit suliaqarnermit sumiiffimmik pineqartumik pilersarusiorsimaneranik, kiisalu akuersissummi suliaassanik sorlernik aalajangiussaqaarsimaneranik neqeroortitsineq tunngaveqarpoq.

Naalackersuisut immikkoortortamut pilersaarummi takornariatitsinermit suliarisanut sumiiffiit aalajangiussinnaavaat, kiisalu akuersissummi suliarisat sorliit imarissaneraat

aalajangersarsinnaallugu.

Pitsaasumik aqutsisoqarnermik periusaasartut naapertorlugit neqeroortitsinerup piviusunnortinnera sioqqullugu najugaqarfinni soqutigisaqaqatigiinnut, pingaarutilittut ilisimatusarnikkut sullissivinnut, tassani Pinngortitaleriffik ilanngullugu, Naalackersuisoqarfinnut allallunullu pisortani oqartussasaqarfinnut pingaarutilinnut neqeroortitsinermit atugassatut allaqqaakkat tusarniaassutigalugit Naalackersuisut nassiutissavaat.

Aammattaaq inuussutissarsiutigalugu aalisartut qanorluunniit ajortisaaffigineqassannginnerat imaluunniit ajoqusersorneqassannginnerat inatsisit oqaasertaani allassimasariaqartoq KNAPK-p oqaatigaa.

Inatsimmi allassimasutut inatsisip najugaqartut pisinnaatitaaffiinik killiliinngilaq.

Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaat nr. 19, 3. december 2012-meersumut oqaaseqaatini imm. 6-ip ataani imatut allassimasoqarpoq:

Siunnersuut innuttaasunut kinguneqassanngitsoq naatsorsuutigineqarpoq. Innuttaasut suli piniariarsinnaatitaapput, aalisarsinnaallutik, qimussimik ingerlaarsinnaallutik kiisalu pinngortitamiissinnaallutik il.il. tamatumunnga malittarisassat nalinginnaasut naapertorlugit, naak sumiiffik pineqartoq ingerlatallu pineqartut immikkut akuersissuteqarsimanermik tunngaveqaraluartut. Kisermaassisuuneq taamaallaat takornariartitsinermit suliniutinut nioqqutaasunut tunngasuussaaq, ingerlatallu pineqartut assersuutigalugu takornariaqartitsinermit nioqqutaasut qanoq paasineqarnissaata avataaniillutik, inuk akuersissummik atuisoosooq ingerlaminik ingerlatsinissaminut allatut akiliuteqarsimatinnagu. Akuersissummik pigisaqartoq sumiiffimmut aalajangersimasumut akuersissuteqarfigineqarsinanera naatsorsuutigisat naapertorlugit innuttaasunut nalinginnaasunut killeqartumik sunniuteqassaaq, assersutigalugu innuttaasut ataasiakkaat misigisassammassuk sumiiffinni akuersissuteqarfiusimasuni takornariat amerlanerunerat.

Ilaqutariit kinguaariillu eqaloqarfinnik piniariartarfinnillu qangali atugaqarnerat mianersuuttariaqartoq KNAPK-p assut pingaartuutippaa. Taamaalilluni oqaaseqaatini imaattunik ilanngussinissaq KNAPK-p siunnersuutigaa: "Inatsimmi sumiiffinnut, kuunnut, imartaqarfinnullu qangaaniillit ullorlu manna tikillugu Kalaallit Nunaanni innuttaasunit atorqeersimasunut sumiiffinnut akuersissuteqartoqarsinnaanngilaq".

Takornariartitsinermit akuersissuteqarnermit inatsimmut siunertaq tassaavoq takornariartitsinermit inuussutissarsiorfimmi siuarsarnerup annertusarnissaa. Sumiiffinnut akuersissuteqarneq najugaqartuusut sumiiffimmik pisarnermissut annertutigisumik atugaqarsinnaanerannik killiliinngilaq. Taamaattumik ilaqutariit kinguaariillu sumiiffiit pisarnermissut atuisinnaajuassapput.

Akuersissutip nalunaarutiginnissaa pillugu nalinginnaasumik tamanut ammasumik qinnuteqaateqaqqusinerup (neqeroortitsinerup) kingorna akuersissut nalunaarutigineqarsinnaasoq inatsimmi § 8, imm. 2-mi allassimavoq. Naalackersuisut tamanut saqqummiussamik nalunaaruteqassapput qinnuteqaqqusinerup, minnerpaamik qinnuteqarfissaap naanissaa ullunik 45-nik sioqqullugu, Naalackersuisut nittartagaatigut tusagassiorfitsigullu.

Pingaartilittut pilersarusiornermik oqartussaasoqarfiup takornariartitsinerup suliaqarnermut sumiiffimmik pineqartumik pilersarusiorsimaneranik, kiisalu akuersissummi suliaqarnermut sorlernerik aalajangiussaqaarsimaneranik neqeroortitsineq tunngaveqarpoq.

Naalackersuisut immikkoortortamut pilersaarummi takornariartitsinerup suliarisanut sumiiffiit aalajangiussinnaavaat, kiisalu akuersissummi suliarisat sorliit imarissaneraat aalajangersarsinnaallugu.

Pitsaasumik aqutsisoqarnermik periusaasartut naapertorlugit neqeroortitsinerup piviusunngortinnera sioqqullugu najugaqarfinni soqutigisaqaqatigiinnut, pingaarutilittut ilisimatusarnikkut sullissivinnut, tassani aamma Pinngortitalerimmut, Naalackersuisoqarfinnut allallunullu pisortani oqartussaqaqarfinnut susassaqaqarfinnut neqeroortitsinerup atugassatut allaqqaakkat tusarniaassutigalugit Naalackersuisut nassitissavaat.

Sinerissami eqaloqarfiusuni sumiiffippassuit amerlasuunit tikinneqarneq ajortut KNAPK-p malugeqquaa, taamaattumillu sumiiffiit tamakku takornariartitsisunit atorneqarsinnaanerat KNAPK-p siunnersuutigerusuppaa.

Nunaannarmi angalaarneq sunaluunniit malittarisassat atuuttut naapertorlugit ingerlanneqassaaq.

Siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Aalajangersagaq inatsisip qulequtaata allanngortinneranut tunngavoq. ”Sumiiffinni nunami aalajangersimasuni” ipput nunami sumiiffiit, soorlu kuuit imartaqarfittullu sumiiffiit killilersorsimasat.

Nr. 2-mut

Siunnersuummi § 1, nr. 1-ip inatsisip atuuffiata killilersorneqarfia atorunnaarsippaa, taamaalilluni inatsimmit sunngiffimmi aalisartunik aalisarnermut akuersissuteqartarnek pillugu Inatsisartut inatsisaata ilaatinneqannginnera atorunnaarluni. Siunertaq tassaavoq takornariartitsinermi akuersissuteqartarnermik suliassaqarfiup tamarmiusup inatsisip ataatsip ataaniilersinnissaa.

Tamatuma kingorna Inatsisartut inatsisaanni atuuffigisaanut killeqartitsisoqarunnaassaaq, sunngiffimmi aalisartunik aalisartitsinermut akuersissuteqartarnek pillugu Inatsisartut inatsisaat atorunnaarsinneqarmat.

Sunngiffimmi aalisartunik aalisartitsinermut akuersissuteqarnek pillugu Inatsisartut inatsisaannit § 1, imm. 1 ilanngunneqarpoq. Aalajangersakkap taassuma ilaatigut aalisakkamik eqalummik (*Salvelinus alpinus*) aalisarnerinnarmut akuersissutip tunngasuunera erseqqissarpaa.

Sunngiffimmi aalisartunik aalisartitsinermut akuersissuteqarnerup takornarianut neqerootigineqartussatut sunngiffimmi aalisartunik aalisartitsinermut tunngasuunera tunngavigineqarpoq. Taamaalilluni sunngiffimmi aalisartunik aalisartitsinermut akuersissuteqarnikkut akuersissummik piginnittuusup pisanik nioqquteqarfinnut tunisinissamut pisinnaatitsinngilaq.

Aamma aaqqiissutip siunertaa tassaangilaq akuersissummik piginnittup akuersissummik tunineqartup nammineq sunngiffimmi aalisarnerminut, imaluunniit namminersuutigisatut sunngiffimmi aalisarnermik kattuffissuarmut pisinnaatitaaffimmik atugaqarnissaa.

Siunertaq tassaavoq sumiiffimmut, nunami aalisartoqarfiussamut akuersissummik tunniussaqaartarnissaaq, tamannalu amerlanerpaartaani kuup eqqaani pisassaaq. Taamaattorli oqaaseqatigiit ”imartalittut sumiiffimmut erseqqinnerusumik killilersukkamut” oqaaseqatigiiliat ilanngunneqarput akuersissut, assersuutigalugu kangerluup ilorpiaanik taaneqartartumut tunniunneqarnissaanik periarfissiiniarluni. Akuersissut aamma kuup ilaanut, imaluunniit kuummut attaveqartumut tatsimut, imaluunniit kuummut tatsimullu ataqatigiissitamut tunniunneqarsinnaavoq.

Akuersissut kuummut tunngasuuppat taanna sukkt anillaffeqarnera aallaavigalugu nassuiarneqarpoq. Isumaqarluni kuup ulinnerpaaffiani immamik naapitsiffiani.

Nr. 3-mut

Assigiissaartumik ingerlataqarnissaq qularnaarniarlugu akuersissutip tunniunneranut piumasqaatinik erseqqinnerusumik aalajangersaasussamik Naalakkersuisut nalunaarusiorniarput.

Nr. 4-mut

Takornariartitsinermik suliaqarnermut akuersissummik nalunaaruteqartarnermut tunngatillugu malittarisassiat pioreersut ingerlateqqinneranik aalajangersagaq tunngaveqartinneqassaaq. Naalakkersuisut najugaqarfinni pilersaarusiornermik oqartussaasunik tusarniagaqareerneramik kingorna immikkoortoqarfimmut pilersaarut aqqutigalugu sumiiffiit akuersissuteqarfiusussat atugassiarinissaannik aalajangersaasinnaanerannut piginnaatitsissut ilanngunneqassaaq.

Sumiiffiit taamaallaat immikkut ittumik takornariartitsinermik neriunartoqarfiusutut nalilerneqartut sumiiffikkaanut pilersaarut aqqutigalugu akuersissuteqarfiusussat atugassiarineqarsinnaapput. Naliliineq tamanna Visit Greenland, najugaqarfimmi takornariartitsinermik suliaqartut, najugaqarfimmi oqartussaasoqarfik suleqatigalugit pisassaaq, taamaalilluni soqutisaqaqatigiit tamarmik eqqarsaatigineqarnissaat qulakkeerniarlugu suliaqarfiusassasoq naatsorsuutigineqarluni.

§ 2-mut

Aalajangersagaq siunnersuutip atuutsinneqalerfianut tunngasuuvoq, aammalu sunngiffimmi aalisartunik aalisartitsinermut akuersissuteqarneq pillugu Inatsisartut inatsisaata atorunnaarsinneqarfianut tunngalluni.

Siunnersuutigineqarpoq inatsit 1. juli 2015-imi atuutilissasoq, tamannalu ilutigalugu sunngiffimmi aalisartunik aalisartitsinermut akuersissuteqarneq pillugu Inatsisartut inatsisaat atorunnaarsinneqarluni.